

## Paîtches

Dains mon tieutchi  
I aî fait ïn nid  
Manman m'é dit  
Qu'lo laipïn d'Paîtches aivô sés ûes,  
Dûemoénne maitïn, di temps d'lai mâsse,  
Péss'rait tchie nôs, mains i n'l'aî p' vu !

Dains mon tieutchi  
Chur qu'èl ât v'ni  
Manman m'l'é dit :  
- Sai p'tèt' cieutchatte te n'és p' oûï ?  
I aî vu son p'nie tot rempiachu  
De bés djânes ûes èt de loitch'ries...

Dains mon tieutchi  
Dains ci p'tèt nid  
I aivôs léchie  
Po faire piaigi, dous trâs gairattes,  
Po ci laipïn èt pe sai rotte,  
Tiaind qu'èl airait vudie sai hotte...

Dains mon tieutchi  
Chur qu'èl ât v'ni  
Ell's n'sont pu li !  
Manman m'é dit d'allaie tieuri  
Tos cés bés ûes èt cés loitch'ries  
Que m'aïttendïnt dains mon tieutchi.

Dains mon tieutchi  
- Ô bïn c'qu'i t'dis :  
Atoué di nid  
De mai manman i aî vu lés pas  
Nian p' di laipïn... è m'en encrât...  
Èt pu d'gairattes, bïn fait po moi !

Voili l'aimi :  
Dains ton tieutchi  
Ch'te fais ïn nid  
Te troverés bïn è greviaie  
Mains po l'laipïn te peus ritaie...  
Ç' nât ran qu'ènnne mente po lés tot p'têts !...